



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. III. An Parentes, vel Patroni teneantur ad juramentum calumniæ?

[urn:nbn:de:hbz:466:1-73001](#)

Prælato suo jurare posse coram Judice seculari : si tamen in judicio starent , & juramentum necessarium foret (ut, si agerent per Procuratorem , vel Syndicem) istis committere possent , si expedire noverint Ecclesiæ suæ. Dixi: *coram Laico*, vel *seculari Judice*; nam secus est, coram Judice Ecclesiastico , ut habetur c. *Cæterum. s. eod.* ibi: quia novis morbis, nova convenient antidota præparari : mandamus quatenus in causa fidejussionis , quæ inter R. *Clericum de sancto Albano*, & C. J. & F. *Canonicos*) Londo. vertitur: ad veritatem eliciendam (*appellatio-*
ne cessante) præstari faciatis ab utraquè *parte calumniae juramentum*: consuetudine , quæ legi contraria est, non obstante. Et tali casu Clerici non regulares non egent Superioris , vel sui Prælati licentiâ ; cum ea solùm exigatur pro casu, quo jurandum esset in *foro Laico*, à quo exempti sunt. Dixi: *Clerici non regulares*; nam etiam Regulares , & Monachi , sine suorum Superiorum licentia , testimonium perhibere non possunt ; prout constat ex textu num. *præced.* & ratio est, quia juramentum calumnia deterretur Authore Prætore, seu Judice Seculari , consequenter Clericus deberet consentire in Judicem non suum , quod sine sui Superioris consensu non potest , ex dict. supr.

717.

Illud porrò notand. ex Abbe in dictum c. *Inhærentes. 1. h. t.* quòd , licet Clericis non tantum Episcopus , sed etiam aliis Prælatus inferior possit dictam licentiam concedere , id in civilibus causis , non verò in criminalibus ad tutelam , & defensionem Rei accusati , procedat ; quia in istis ab Episcopo , vel ab ejus Vicario generali , maturo judicio , & prævia causæ cognitione , concedenda est ; non verò ab inferioribus Judicibus , qui causarum criminalium cognitionem non habent : licentiam porrò dandam Clerico per Episcopum , ut deponat coram Judice seculari , esse debere sub hac , sive simili forma : *Conceditur licentia N. Clerico*, *deponendi in Curia seculari in tali cau-*
sa, dummodo non deponat super articulis concernentibus criminalitatem , infamiam , negativam , aut repulsam. *Cate-*

rùm

718.

, si Clericus absque licentia sui Prælati coram Judice non suo testaretur , processus ex hoc capite non vitiaretur , ut notat Abbas hic num. 17. & in c. *Cum Nun-*
tius de Testibus num. 4. id, quod etiam intelligendum venit de Regularibus , & Monachis; ut resolvit Frater Emmanuel qq. Regul. *tom. 2. quæst. 10. a. 4.* & alii ; quia nullo textu juris ex eo capite processus ejusmodi annullatur ; & quamvis hoc illis interdictum sit; hoc tamen est interdictum non irritans ; sed præcisè prohibens.

Ad extremum nota , quòd , sicut pro Clericis jurant eorum Procuratores , per quos agunt ; ita pro pupillis , & minoribus , & prodigiis , & furiosis , jurent ipsorum Tutores , & Curatores ; pro filio pater , vel legitimus ejus Administrator ; pro orphanotrophio , ipse orphanotrophus ; pro Ecclesia , Oeconomus : pro Universitate , & Municipio Syndicus , ut habetur ad longum in L. 2. C. b. t.

§. III.

An Parentes , vel Patroni teneantur
ad juramentum calumniae ?

719.

Questio procedit in casu , quo litem habent cum liberis , vel libertis. Pro affirmativa stat lex 34. §. 4. ff. de jurejuri. ibi: *hoc jusjurandum de calumnia neg;* *Patrono*, neque parentibus remittitur : pro negativa verò lex 8. Q. 5. ff. qui satisdare cogantur , ibi: *Sed quibusdam hoc jusju-*
randum de calumnia remittitur , *veluti* parentibus , & patronis. & L. 16. ff. de jurejurando , ibi: *sed & si ipse* (Patronus) deferat jusjurandum liberta suæ , de calumnia non debet jurare , & L. 7. de obseq. parentib. & Patron. præstandis. ibi: *nec deferentes jusjurandum de calumnia* jurant. & denique L. 13. §. 14. ff. de damnō infecto : ubi etiam eximuntur , qui eorum loco litigant , ibi: *Sed si ejus nomi-*
ne postulem , qui si ipse postularet , jurare non compelleretur (veluti patronus , vel parens) dicendum est locum jurejurando non esse.

Qui-

720. Quidam istos textus, qui videntur mutuo adversari, conantur conciliare dicentes, in textu dictæ Legis 34. loco *neque Patrono, neque Parentibus, legendum aquæ*, ut sensus sit: hoc juramentum *aque Patronis, & Parentibus remittitur;* sed unde hujus correctionis, vel emendationis fundamentum petatur, non expoununt. Haunoldus tom. 5. tr. 3. num. 462. videtur rectius ea jura conciliare. Observat igitur, texum etiam incorruptum continere casum specialiter exceptum, sic, ut, licet alias Parentibus, & Patronis remittatur juramentum, ut probant jura pro affirmantium opinione producta; in eodem casu, de quo loquitur Lex 34. non remitti.

721. Casus porrò, de quo agit ista lex in cit. §. 4. exponitur his verbis: *qui iusjurandum defert, prior de calumnia debet jurare, si hoc exigatur; deinde sic ei jurabitur; & statim subjungitur: hoc juramentum neque Patrono, neque Parentibus remittitur;* ex isto enim textu patet, quod textus solum agat de casu, quo defertur parti *juramentum decisorium;* & quod in hoc casu is, qui prior defert hoc juramentum de calumnia, etiam prior jurare debeat, ita quidem, ut nec Parenti, qui filio; nec Patrono, qui liberto prior defert juramentum decisorium, hoc calumniae juramentum remittatur; quæ exceptio in hoc speciali casu facile stat cum oppositis pro aliis casibus.

722. Quærunt aliqui, an privilegium jure concessum Parentibus, & Patronis, ut in casu litis cum liberis, vel libertis eximantur ab onere praestandi juramentum calumniae, nisi deferatur illis juramentum decisorium, etiam potrigatur ad liberos, & libertos, ut & ipsi ab eodem pariter eximantur? Affirmantium ratio est, quod dispositum de relato extendatur etiam ad correlativum; cum ergo liberi parentibus, libertis Patroni correlativè dicantur, quod his concessum est, etiam illis concessum intelligi debet. Verum hæc ratio sic crudè sumpta in pluribus fallit; alias, sicut filius, ut convenient Patrem, eget veniam, seu licentiam; sic egeret etiam Pater, ut convenient filium; & sicut delegatus potest citare partes; sic istæ possent

illum; aliud est, si dispositum de relato frustraretur, nisi etiam se porrigeret ad correlativum.

De Domino autem directo, & Vasallo sic dispositum est l. 2. Feudorum c. 33. ibi: *in quibus etiam causis Sacramentum calumniae à Domino non exigetur, quod nuper Rex Fridericus in Romandiola constituit,* ut Vasallus calumniae Sacramentum à Domino non exigat, quod etiam à parte Domini intelligendum est: ut quod quisque juris in alium statuit, ipse eodem jure natare. Ratio autem sumitur ab honore mutuo, quem sibi debent ad invicem; quamvis aliqui limitent, ut sit contrarium in casu, quo Vasallus injuriam passus est. Et quatinus ab onere hujus juramenti eximatur Vasallus, quando litigat cum Domino directo feudi; non propterea idem sequitur de liberto litigante cum Patrono, extra casum juramenti decisorii; cum aperte constet ex relatis juribus constituta pro utroque diversa.

ARTICULUS III.

In quibus causis præstandum sit juramentum calumniae?

C ommunis regula jure civili habetur 724. L. 1. C. de jurejurand. propter calumn. junctâ gloss. V. quidquam, ibi: *in omnibus causis,* sive propter literas fuerit apud te certatum, sive propter instrumenta, sive propter quicquam aliud, in quo necessitas probationis incumbit: sancimus, non aliter easdem probationes præstare compelli, nisi prius, qui eas exposcit, juramentum de calumnia præstiterit. Adeoque in causis tam civilibus, quam criminalibus; tam ordinariis, quam delegatis, etiam compromissariis, per L. 2. C. eod. §. Sed quia, ibi: *Sancimus omnes Judices, licet ex compromisso cognoscant &c.* Quod extendit Welenbecius in dict. L. num. 7. ad causas etiam modicas, idem affirmante Abbatte in c. 1. b. t. num. 14. & in probationem adducente L. 15. ff. ad exhibendum; sed in hac lege solum agitur de thesauro effodiendo; unde ex illa non habetur probatio; sed ad summum deduci potest ex verbis generali-